

**UNIVERZITET U SARAJEVU  
ELEKTROTEHNIČKI FAKULTET**

Broj: 07-1811/26  
Sarajevo, 08 -05- 2026

**ZAPISNIK**

sa 4. redovne sjednice Vijeća doktorskog studija Univerziteta u Sarajevu - Elektrotehničkog fakulteta, održane 22.04.2026. godine s početkom u 10:15 sati, u sali za sastanke u Dekanatu Univerziteta u Sarajevu - Elektrotehničkog fakulteta (prvi sprat)

**Prisutni članovi Vijeća doktorskog studija:**



**Odsutni članovi Vijeća doktorskog studija: -**

**Ostali prisutni:**

Sjednica je počela u 10:15 sati.

Sjednicom predsjedava predsjednik Vijeća doktorskog studija, prof. [REDACTED] koji je pozdravio prisutne i otvorio sjednicu. Konstatirao je da postoji kvorum za punopravno odlučivanje (prisustvo četiri člana s pravom glasa), nakon čega je upitao prisutne da li imaju prijedlog za eventualne izmjene i/ili dopune dnevnog reda. Cijeneći da nije bilo prijedloga za izmjene i/ili dopune dnevnog reda, Vijeće doktorskog studija Univerziteta u Sarajevu - Elektrotehničkog fakulteta jednoglasno je usvojilo sljedeći:

**DNEVNI RED**

- 1. Usvajanje zapisnika**
  - 1.1. Usvajanje Zapisnika 1. elektronske sjednice Vijeća doktorskog studija Univerziteta u Sarajevu - Elektrotehničkog fakulteta, održane 03.04.2026. godine;
- 2. Naučnonastavna i organizaciona pitanja**
  - 2.1. Izmjene i dopune Nastavnog plana i programa za treći ciklus studija - doktorski studij na Univerzitetu u Sarajevu – Elektrotehničkom fakultetu;  
(Izvjestilac: predsjednik Vijeća doktorskog studija, prof. dr. [REDACTED] i voditelji oblasti).

## TOK SJEDNICE:

### Ad.1.

1.1. Zapisnik sa 1. elektronske sjednice Vijeća doktorskog studija Univerziteta u Sarajevu - Elektrotehničkog fakulteta, održane 03.04.2026. godine, usvojen je bez primjedbi, jednoglasno.

### Ad.2.

2.1. Povodom tačke dnevnog reda koja se odnosi na pokretanje postupka izmjene i dopune Nastavnog plana i programa za treći ciklus studija - doktorski studij na Univerzitetu u Sarajevu - Elektrotehničkom fakultetu, uvodne informacije je dao prof. dr. [REDACTED] predsjednik Vijeća doktorskog studija, koji je upoznao prisutne da je prisustvovao sastanku koji je organiziran u Rektoratu Univerziteta u Sarajevu. Tema sastanka je bila izmjena i dopuna Pravila studiranja za treći ciklus studija - doktorski studij, na kojem su učesnici, nadležni prodekani za naučnoistraživački rad podijelili iskustva sa kojima se susreću u pogledu primjene postojećih Pravila u praksi. Na istom sastanku, prisutni su razgovarali i o sadržajima nastavnih planova i programa matičnih organizacionih jedinica. Informacija od interesa za ovu tačku dnevnog reda je činjenica da jedan broj organizacionih jedinica u svojim nastavnim planovima i programima trećeg ciklusa studija - doktorskog studija kao nastavni predmet ima Metodologiju naučnoistraživačkog rada (ili sinonim naziva), a što je kao potreba za uvođenjem u nastavni plan i program, prepoznato i od članova Vijeća doktorskog studija, na svim oblastima studija. Predsjednik Vijeća doktorskog studija upoznao je prisutne da ovaj nastavni predmet na nekim organizacionim jedinicama Univerziteta u Sarajevu predaju nastavnici tih organizacionih jedinica, dok je na nekim angažiran član akademskog osoblja sa druge organizacione jedinice, konkretno Univerziteta u Sarajevu - Filozofskog fakulteta.

\*\*\*

U 10:30 sati, sjednici su pristupili prof. dr. [REDACTED] - voditelj studija za oblast/odsjek "Računarstvo i informatika" i [REDACTED] sekretarka Univerziteta u Sarajevu - Elektrotehničkog fakulteta (bez prava glasa). Od tog trenutka, sjednici prisustvuje pet članova Vijeća doktorskog studija s pravom glasa.

\*\*\*

Svi članovi Vijeća doktorskog studija su izrazili saglasnost da bi izmjenama i dopunama Nastavnog plana i programa trebao biti obuhvaćen i uključen predmet Metodologija naučnoistraživačkog rada, za koji je nakon više razmotrenih prijedloga utvrđeno da će se zvati Principi naučnoistraživačkog rada, te da bi ga trebao predavati nastavnik Univerziteta u Sarajevu - Elektrotehničkog fakulteta, vodeći računa o specifičnostima metodologije naučnoistraživačkog rada u tehničkim naukama (u odnosu na humanističke, pravne i slično). Ovaj nastavni predmet će biti u prvom semestru studija i imat će status obaveznog predmeta. Pored ovog nastavnog predmeta, razmatrano je i načelno usaglašeno da u prvom semestru bude ponuđeno još nekoliko nastavnih predmeta, od kojih bi studenti birali dva. Svaki nastavni predmet iz prvog semestra bi bio vrednovan sa po 10 ECTS studijskih bodova - kredita. Kao moguće opcije navedeni su nastavni predmeti: Napredna poglavlja matematike (prijedlog TK), Napredna poglavlja statistike (prijedlog TK), Algebra matrica (prijedlog AE), AI alati (prijedlog RI), Konveksna optimizacija (prijedlog AE), pri čemu je usaglašeno da se na narednoj sjednici (nastavku sjednice) o ovoj tački dnevnog reda utvrde tačni nazivi i nastavni predmeti koji bi bili ponuđeni.

U okviru obaveza u drugom semestru studija, razmatrano je više opcija (dva ili tri nastavna

predmeta, da li predvidjeti Naučnoistraživački seminar i slično). Preliminarno je usaglašeno da će u drugom semestru biti predviđena dva nastavna predmeta (stručni predmeti) sa liste koju budu dostavili voditelji oblasti, koji će imati status izbornih nastavnih predmeta, te će također kao obaveza iz ovog semestra biti predviđen Naučnoistraživački seminar 1. Naučnoistraživački seminar 1 će biti rad objavljen na konferenciji, gdje je student prvi autor, a sve obaveze iz drugog semestra se vrednuju sa po 10 ECTS studijskih bodova - kredita.

Za obaveze u trećem semestru predloženo je da to bude Naučnoistraživački seminar 2 koji treba biti naučni rad iz oblasti teme doktorske disertacije objavljen u časopisu, na kojem će student biti prvi autor. U pogledu kategorije časopisa, razmatrano je više mogućnosti, da li jedan rad u Q1 časopisu i dva rada u Q2 časopisu, kao i mogućnost objave rada na najprestižnijim konferencijama, pri čemu bi trebalo definirati na koje se konferencije misli. Naučnoistraživački seminar 2 bi bio vrednovan sa 25 ECTS bodova - kredita.

Druga obaveza u trećem semestru bi bila prijava teme/Obrazac DS1 i ova aktivnost bi bila vrednovana sa 5 ECTS studijskih bodova - kredita.

Usaglašeno je da će se povodom predmetnog pitanja u što kraćem roku održati nastavak sjednice, na kojem će se definirati dodatni sadržaji, precizirati pojedine aktivnosti i zajednički utvrditi rokovi za naredne korake.

Sjednica je zaključena u 11:30 sati.

**Zapisnik sačinila:**



**PREDSJEDNIK VIJEĆA  
DOKTORSKOG STUDIJA**

